



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Æstiva - A Dominica SS. Trinitatis, ad Dominicam decimamquintam  
post Pentecosten

**Haineuve, Julien**

**Coloniæ Agrippinæ, 1665**

Hîc totum disces Evangelium, brevi compendio, nullo impendio.

**urn:nbn:de:hbz:466:1-44226**

posse debite colere, nisi te illi gratiosum reddideris. Nonne hoc est pravaricari? Nonne hoc est una manu destruere quod altera construas? Nonne hoc est in duas partes claudicare? Nonne hoc est Arcam & Dagonem simul statuere?

If. 46.

*Memento istud & confundamini: redite pravaricatores ad cor: recordamini priora seculi, quoniam ego sum Deus. Quasi diceret, hæc cogitate quæ cogitari non possunt sine confusione, nec eorum sentiri potest confusio sine pio cordis affectu, quo tandem, liquefacti peccatis qua parte peccatores estis. Quod si tali pietatis sensu non emollimini, revocate in mentem quæ prioribus sæculis supplicia. Deus sumpeit ab his, qui Arcam aut res sacras profane tractaverunt. Nam ille ipse est Deus qui olim & qui modo à vobis colitur; ille ipse ignis qui ardore justitiæ consumet eos in interitum, qui ardore bonitatis consumi noluerunt in salutem. O sancta Prophetæ vota, o antiqua sanctorum desideria, quod*

tandem spectabatis, cum è cælo in terras sic Dominum evocaretis: *Vitam dirumperes cælos & descenderes: à facie tua montes defluerent, sicut exustio ignis tabescerent, aqua arderent igni. Ecce jam torres dirum puntur cæli & descendent; nec dubium quia ab eius facie multi montes defluerint; Sed cur non omnes? cur tam multi adhuc indurati? Cur tam multi bonitate tanta magis etiam obfirmantur quam emollescunt? Hoc est scilicet quia licet ignis ceram liquefacit & obdurat lutum, sic lutozæ mentes illo divino igne magis indurantur, aut qui ceræ sic indurantur, apparet eos esse lutosos & terrenos homines.*

Contra est illa Veritas quæ infra in hac parte declaratur, ubi de cælesti pane, *Quo qui vivunt, Cælestes fiunt: & sic in suis vivunt corporibus sicut Cælestes in Assumptis. Vide Fer. 5. 6. & Sabbathum Hebdom. 13. Quod etiam multa huius & sequentis septimanæ referri possunt.*

## FERIA SEXTA.

### DE EVANGELICA DOCTRINA, A CHRISTO DOMINO TRADITA ET SUMMATIM CONTENTA IN SANCTISSIMO SACRAMENTO.

*Dabit vobis Dominus panem arctum, & non faciet avolare à te ultra doctorem tuum: & erunt oculi tui videntes præceptorem tuum, & aures tua audient verbum monentis: hæc est via, ambulate in ea. If. 30.*

#### VERITAS PRACTICA.

Sacra Christi schola, Sacro-sanctum Sacramentum.

Hic totum disces Evangelium, brevi compendio, nullo impendio.

*RATIO EST, Quia totius Evangelij quoad moralem doctrinam & practicas veritates, de quibus hic igitur, breve compendium hic continetur Christi verbis: Si quis vult post me venire, abneget semetipsum, & tollat crucem suam quotidie, & sequatur me. Quorum proinde verborum vim & sensum si facile didiceris, disces brevi compendio & nullo impendio totum Evangelium.*

Luc. 9.

*Ad horum verborum vim & sensum facile disces ex Sacro-sancto Sacramento*

*Ergo hic totum disces Evangelium, brevi compendio, nullo autem impendio: quod quam sit fructuosum, satis patet.*

#### I. PUNCTUM.

**M**ULTIFARIAM, inquit Apostolus, *Hebr. 1.* multisque modis Deus olim loquens in Prophetis, novissime diebus istis, nobis locutus est in filio.

*Cogita quam potenter, quam efficaciter loquebatur dum viveret, Erat enim docens sicut Matt. 7. potestatem habens, & non sicut Scriba eorum & Pharisei, NVNQVAM locutus est homo, sicut Ioan. 7. hic homo.*

Et verò ut absolutam eorum omnium quæ ad formandos mores commendabat summam aliquam faceret, & breve quoddam compendium

fic

hic identidem se sequentes admonerat, *si quis vult post me venire, abneget seipsum, & tollat crucem suam quotidie, & sequatur me*; Quibus in verbis quidquid continetur, cum eminenter & excellenti quadam ratione contineatur in sanctissimo Sacramento, nonne *Sacra Christi Schola* dici potest? Nonne *hic totum Evangelium brevis compendium, & nullo certo impendio, cum hoc tantum postulatur, ut consideres quid hæc verba significant; & te his affici sinas cum gratia ut id libenter velis exequi quod faciendum didiceris.*

Hoc itaque diligenter investigandum, quomodo tota moralis & Evangelica Christi doctrina compendiosè contineatur paucis illis Christi Domini verbis. Quod ut manifestius fiat, expende quod sæpius alibi dictum est, universam hanc nostram spirituales vitam, in his tribus consistere: Primò quidem ab inordinatis motibus concupiscentis appetitus circa bonum sensuale abstinereur: deinde ut motus irascibilis circa malum sensibile sustineatur; ac demùm sua quique in vocatione quod sibi agendum viderit, id tranquille agat in Domino.

Cum enim voluntas humana naturaliter duos præcipuos habeat motus ad quos ceteri omnes referuntur, unum scilicet complacentiæ in bonum sibi connaturale: tum alterum displicentiæ naturalis à malo sibi contrariò: hinc fit ut omnis in ordinatio vitiorum ea sit, vel quod nimis & inordinatè homo feratur in illud suum bonum, vel nimis aversetur malum; ac proinde tota virtutum ordinatio contra naturales illos motus in eo præcipuè consistit ut abstinemus seu contineamus nos, in illo bono: & oppositum sustineamus malum. Nam sicut vita naturalis continuis duobus cordis moribus continetur, quos diastolem vocant & systolem, id est, dilatationem & contractionem, unde est eius pulsus & agitatio: sic vita sensualis & animalis, duabus illis motionibus, complacentia videlicet qua dilatatur ad bonum sensuale: & displicentiâ qua contrahitur ad malum sensibile: unde sequitur quod quemadmodum suffocatione, aut aliunde impeditis illis cordis motibus, humana vita tollitur; ita mortificatione seu virtutum exercitio repressis istis vitæ sensualis appetitionibus intereat illa necesse est. Reprimuntur autem abstinendo & sustinendo, unde ad perfectonem restabit tantum agere quidquid agendum occurrerit; in quo perfectè agendo nulla prorsus erit difficultas, cum nulla

superfit naturæ repugnantia quæ sublata est per mortificationem utriusque appetitus, ut dictum

JAM verò quàm sapienter Dominus illa tria suis comprehendere verbis, facile est advertere. Nam quod dicit *ABNEGET SEMETIPSUM* perinde est ac diceret, *abstineat à prava concupiscentia* Tum quod pergit *ET TOLLAT CRUCEM SVAM*, hoc est, *sustineat quod sibi grave est; ac deniq; quod addit ET SEQUATUR ME*, Id est, *agat, & operetur in sua vocatione, exemplo ipsius Christi qui sic vitam suam instituit, ut nos idem facto doceret quod verbo; unde illud est sancti Augustini: *liberum continere ijs que dicuntur bona, & sustinere quæ abundant mala. Continentia est, sollicitas mundi non credere: sustinentia, iniquitatis mundi non erodere. Et ideo Christus Dominus omnia bona mundi contempsit, & mala sustinuit, ut nec in illa quæretur sollicitas, nec in ista timeretur infelicitas, itemque alibi: *Omnia quæ habere cupientes non rectè vivebamus, carendo vita fecit: Omnia quæ vitare cupientes à studio deviamus veritate, perpetuando asjecit.***

Serm. 245.  
de Temp.

l. de Vera.  
Relig. c. 16.

Mich. 2.

O quis prætexat ignorantiam vel rerum discordiarum multitudinem cum tam paucis omnia comprehendantur! Quis verò difficultatem assit objicere, cum suum videat ducem & magistrum non minus exemplo suò quàm verbo edocentem! O quàm rectè dictum à Propheta: *Transibit rex eorum coram eis, & Dominus in capite eorum: Ut scilicet eò primus eat quò se sequentes vocat,*

## II. PUNCTUM.

**S**ED hæc tria facillimè percipiuntur in Sacrosancto Sacramento.

Et quidem duobus præcipuè modis, objectivè, & subjectivè. Objectivè considerando statum eius corporis seu modum sacramentalem quò ibi existit. Talis enim est ut totus sit in his tribus, *ABSTINENDO, SVSTINENDO, ET AGENDO*; primo quidem abstinere omni actui vitæ naturalis: licet enim habeat oculos, aures, linguam & alia corporis membra, non tamen ijs utitur, non ijs videt, nec audit, nec loquitur; sed alio prorsus spiritali modo. Deinde quantum quidem pati iam potest, quibus non injuriis & contumeliis subjacet, & quæ non patientia illas suffert? Ac denique perpetuò illic agit & operatur, conferens gratias omnibus, quotquot se ad eas dignè recipiendas obtul-

*Ioan. 5.* obtrahitur t. Pater noster usque modo operatur, & ego operor. Sic itaque objective dicitur id docere, cum se facit objectum in quo per fidem discitur hoc ipsum ab eo fieri. Sic & propterea dicitur *Pater noster & intellectus*, quia dum vivit vitam intellectualem & spiritualem, facit nos etiam intelligere & capere quænam sit illa vita spiritualis, & in quo consistat, quasi nobis diceret, *Quod me videritis facere, hoc facite. Si quis mihi ministrat, me sequatur.*

*Ioan. 12.* Deinde verò subjective, id efficacius etiam promovet; id est, hoc ipse in nobis efficit quod in se facit; nempe nobis communicat hanc spirituale vitam, ut, quod ait Tridentinum, *Vivamus vitam illius qui dixit, qui manducat me. & ipse vivet propter me.* Sicut enim anima nostra nos ita vivere facit vita naturali, ut ipsa in nobis vivat, in nobis agat & operetur; ita Christus dando nobis vitam supernaturalem vivit in nobis, vivit vita sua spirituali, vita Sacramentali, vita illa qua vivit in Sacramento, & quam in nobis efficit. Quæ quidem vita cum tota sit, ut dictum est, in abstinendo, sustinendo, & agendo, quid sequitur nisi ut ipsi toti simus in his tribus, aut non simus in eius vita totum? Sicque evidenter fiat ut non tantum objective in Sacramento percipiamus illam trium verborum vim in quibus summa est doctrinæ moralis Evangelicæ, sed in nobis etiam ex eodem Sacramento sentiamus vitalem eorum effectum, & efficacem virtutem, ut in actu & re ipsam quales nos oportet esse intelligimus. Sequor autem si quomodo comprehendam, in quo & comprehensus sum à Christo Iesu. O verè nobis promissum, & verè nobis datum *Doctorem iustitiae*, qui simul omnia tam facile docet, ut tribus verbis omnia doceat: & quæ facienda docet, ipse in nobis efficiat!

*Ioan. 4.* *Ego sum qui loquor tecum*; aiebat quondam Samaritanæ: nobis nunc verò particulatim, ego sum qui tecum ambulo, qui tecum sedeo, tecum omnia facio, ut sic omnia mecum facias, verèque illud impleatur: *Vbi sum ego, illic & minister meus erit.* Ac rursum: *Qui dicit se in ipso manere, debet sicut ille ambulare, & ipse ambulare.*

### III. P U N C T U M.

**S**IC ergo sacra est Christi schola, sacro-sancti, Sacramentum ubi totum desas Evangelium breviter compendio, nullo in pendio; Quia totum in

his tribus consistit, abstinendo, sustinendo, & agendo, quæ in paucis Christi verbis continentur, quorum virtus & efficacitas ita simul lucet & ardet in Sacramento, ut ex luce fidei videamus quemadmodum ibi vivit Christus ut docuit, & ex ardore charitatis qua in nobis ipse vivit, sentiamus quod eandem vitam in nobis operetur. *Et vos nutritionem quam accepistis ab eo, maneat in vobis*, inquit dilectus Apostolus, & non necesse habetis ut aliquis doceat vos: sed sicut unctio eius docet vos de omnibus, & verum est, & non est mendacium: & sicut docuit vos manete in eo.

*EGO EGO locutus sum, & vocavi eum, adduxi eum, & directa est via eius, accedite ad me & audite hoc.* Hæc dicit Dominus redemptor tuus sanctus Israel: *Ego sum Dominus Deus tuus docens te vitia, gubernans te in via qua ambulabis: utinam attendisset mandata mea.*

*Hoc est verbum consummans & abbrevians in aequitate, quia verbum brevium faciet Dominus super terram, sicut prædixit Isaias, inquit Apostolus. Hic est preparatus mens domus Domini, de quo idem Propheta & de quo omnes dicent, venite ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius.*

*Hæc est domus disciplina quò nos invitat Sapientia: Appropiate ad me in doctis, & congregato vos in domum disciplina, quid adhuc retardatis, & quid dicitis in huius? Comparete vobis sine argento, & collum vestrum subijcete iugo, & suscipiat anima vestra disciplinam: in proximo est enim invenire eam. Quali diceret quod expressis verbis sæpe inculcat sanctus Chrysostomus: Non est hic impendium, non est hic labor, non est hic temporis excrucitatio sufficiens, & totum factum est. Licet aliqua verò in praxi difficultas diceretur: qualis illa tandem pro rei de qua hic agitur dignitate! quam longè alia libenter exhauritur pro cæteris rebus perituris! si à sola nostra voluntate cum gratia sic dependerent dignitates, pecuniæ, prædia, præsentisque vitæ reliqua commoda, quis illa nollet, aut quis nollet necessariam illis acquirendis difficultatem?*

Vide in 2. parte, Feria 6. post Cineres ubi hæc opportuna declaratur Veritas,

Qui te à sanctitate acquirenda excusas, ex aliis acquisitis bonis te condemnas,

SABBAa